

Dede

Kad san se rodil
bil si najsretniji čovik na svitu.
Ime san dobil po tebi.
Ponosno si hodil po seli.

Ča god biš mi rekal
za mene j' bilo zlata vredno.
Kad biš me v' naručje zel
osjećal bin se siguro.

Na tvojimi rukami Dede
život je napisal žulji.
Tako su grube
a pune ljubavi.

Kako god si se ti ponosil s manun
tako san se ja ponosil s tobun.
Vrime j' kot ludo teklo
i našoj srići j' stop reklo.

Ni te više da me grliš,
da me v naručju držiš.
Znan da me ozgora gljedaš
i da mi v' nevolji ruku pružaš.

Velik si bil čovik.
Oduvik san takov otel postat.
Velik ćeš čovik Dede
zauvik
va mon srci ostat.